

## Universitätsbibliothek Paderborn

**Instrvctio R.P. Ignatii Balsamonis Societatis Iesu,  
Theologi. De Perfectione Religiosa, Et De Vera Recte  
Orandi & meditandi methodo**

**Balsamo, Ignazio**

**Coloniæ Agrippinæ, 1612**

Quæ Religioso sint sæpius meditanda.

[urn:nbn:de:hbz:466:1-48888](#)

votorum quæ Deo voulit, & obliga-  
tionis qua ei obstrictus est, tum ut in  
vocationesua magis ac magis confir-  
metur, atque in deuotione & virtu-  
tibus crescat, uti dōcumento decimo  
explicatum est.

*Quæ sint Religioso frequentius in me-  
ditationem assumenda.*

**P**pter communia illa, quæ omni-  
bus qui christiano nomine cen-  
sentur crebrò mente tractanda veni-  
unt; cuiusmodi sunt: meditationes  
de peccatis, de quatuor hominis no-  
uissimis, de diuinis Beneficijs, de  
Christi Domini & Seruatoris nostri  
incarnatione, vita, & Passione, de fi-  
dei mysterijs: sunt præterea specia-  
lia quædā & Religiosis maximè ac-  
commodata, quibus diligēter reuol-  
uendis frequentius debet inhærere.  
Talia verò sunt.

I. Beneficium vocationis, vt illius  
magnitudinem, status sui excellenti-  
am, & maximum qua iuxta vocatio-  
nem suam dignè conuersari tenetur,  
obligationem cognosat. Quæ vt in-  
telligatur,

telligat, secum expendet beneficij  
huius circumstantias hoc disticho  
comprehensas.

*Vnde es, Quò, Quo modo, Quando, Quo  
fine vocatus, Religiose animo sape  
reuolute tuo.*

Considereret ergo primum, vnde  
D E V S ipsum vocauerit; nimirum  
ex mundo, qui est abyssus malorum,  
peccatorum, periculorum.

Quò. Ad sacram Religionem, do-  
mum Dei, scholam virtutum, salutis  
portum, exemplar cælestis Ierusalé.

Quomodo vocauerit, quanto cum  
amore, sapientia, potentia, nullis su-  
is præcedentibus meritis &c: vbi ad-  
vertet diuinæ prouidentiæ indicia  
& modos quibus in se vocando v̄sus  
est, quamque dulciter & suauiter id  
effecerit.

Quando, In ætate iuuenili, nouis-  
fimo hoc sæculo, in tanta prauitate  
atque improbitate hominum.

Quo fine, videlicet 1. Ut ei perfe-  
ctissimè famularetur & omnia pro-  
pter illius seruitium desereret.

2. Vc

2. Ut poenitentiam pro suis & aliorum sceleribus ageret, crucem post Christum baiularet, atque illius vestigia calcaret.
3. Ut salutem suam operaretur, atque perfectioni acquirēdæ totis viribus insisteret, hoc est, sanctā & inculpatam vitam duceret.
4. Ut proximum pro virili adiuuaret, idque medijs vocationi & instituto suo congruentibus, doctrina, exemplo, precibus.

Vltima hæc finis consideratio quæ Lib. I.  
tæ utilitatis sit, docet nos exemplo cap. 4.  
suo S. Bernardus. Is enim, vti ab auctore vita illius, memorie proditum  
est, *Hoc semper in corde frequenter etiā in ore habebat. Bernarde, Bernarde, ad quid venisti?* Et hac sola consideratione assidua, in vita spirituali & Religiosa perfectione tantoperè profecit, vt cunctis Religiosis norma & exemplum sanctitatis effectus sit. Abbas quoque Arsenius ante illū idem facere solitus fuit, vti testis est Abbas Dorotheus *Doctrina 10.*

2. Religioso frequenter consideranda

randa & ante oculos habēda est pri-  
mi Institutoris ordinis sui vita: atq;  
hunc in finem illam sāpē leget ac re-  
leget, ut omnia illius dicta & facta  
in numeratō habeat, illum pro viri-  
bus imitari, mores eius ad amissim  
exprimere, & similem spiritum adi-  
pisci satagat, quandoquidem Deus  
illi sanctum hūc idcirco pro norma  
& exēplo esse voluit, ut quām simili-  
mus ei fieri tota contentione labo-  
raret.

3. Sāpē etiā animo versare debet  
sententias quasdam Euangelicas ad  
Religiosum specialius pertinentes,  
cuiusmodi hę possunt esse.

*Si quis vult venire post me, abneget  
semet ipsum, & tollat crucē suam quo-  
tidie & sequatur me. Matt. 16.*

*Si vis esse perfectus, vade, vende o-  
mnia quæ habes, & da pauperibus, &  
habebis thesaurum in cælo, & veni se-  
quere me. Matth. 19.*

*Venite post me, & faciam vos fieri  
piseatores hominum Matth. 4.*

*Si quis venit ad me & non odit pa-  
terum suum, & matrem, & uxorem, &  
filios*

filios & fratres & sorores, adhuc autē  
& animam suam, non potest meus esse  
discipulus. Luc. 14.

Ecce nos reliquimus omnia & secu-  
ti sumus te, quid ergo erit nobis? Amen  
dico vobis, quod vos qui reliquistis om-  
nia, & secuti estis me, sedebitis super  
sedes in iudicio, &c. Et omnis qui reli-  
querit domum, fratres, sorores, aut pa-  
trem, aut matrem, aut uxorem, aut  
filios propter nomen meum, centuplum  
accipiet, & vitam aeternam possidebit.

Matt. 19.

4. Considerabit nomina Religio-  
si, quæ paucis initio huius tractatuli  
delibauimus.

5. Vota Paupertatis, Castitatis, &  
Obedientiæ.

6. Regulas & constitutiones ordi-  
nis sui, tū eas quæ omnibus commu-  
nes sunt; tum quæ ad officium, si quo  
fungitur specialius pertinent: formā  
vero & methodum eas consideran-  
di paulò post subiungemus.

7. Priuilegia & beneficia specialia  
quibus Deus Religiosum quemque  
ornat, quæ S. Bernardus breuiter ho-  
milia

milia quadam in Parabolā Euangeli-  
cā de Negotiatore, bonas margaritas  
inquirente, recensuit: per Margaritā  
à Negotiatore inuentam, atque om-  
nibus diuenditis comparatam, Reli-  
gionem monasticam accipiens. In re-  
*Matt. 13.* ligione, inquit, homo vivit purius, Ca-  
dit rarius, Surgit velocius. Incedit cau-  
*S. Bern.* tius, Quiescit securius, Irroratur fre-  
quentius, Moritur confidentius, Pur-  
gatur cito, Remuneratur copiosius.  
REGULAE ORDINIS quam methodo  
in meditationem sint assu-  
menda.

PRIOR Methodus est. Vnam tantū-  
modo Regulam assumere, & de  
illa sequentia perpendere.

1. Quid contineat, id est, quid iu-  
beat, quid vetet, quidūe consulat.
2. In regula hac quantum ponderis  
ac momenti constitutum sit: quam e-  
ximiae utilitates ex illius adimple-  
tione, & contra, quam ingentia de-  
trimenta ex negligentia eius obser-  
uatione pullulent.
3. Quis Regulæ huius auctor sit, i-  
dem qui Religiosi status auctor, ni-  
mirum, Deus ipse.
4. Cur